

PLOANIES SAN MARTIN Y LUNGIARÜ

La Uniun di Èi Val Badia "KMB" inviëia düc i èi y i jogn ala prozesciun cun linternes o ciandëres, che vignun dess se tó do, indoman, lönesc, ai 13 de ma, che pëia ia dales 21.00 dal Vinzentinum cuntra Neustift (ca. n'ora), olach'al gnará dit na mëssa. Al passa na coriera aposta ia dala Burcia dales 19.20. Incö 12 de ma, él l'ultimo termo da s'anunzié pro Leo Crepaz 348 40 96 351.

SAN MARTIN

Bel dilan dles ofertes en recordanza dla defunta Clara Vanzi Zingerle dal fioc Paolo Vanzi y da Martin Clara.

En dedolönesc, ai 14 de ma, vëgnel sié la cortina dales 14.00 inant. Chi ch'á dlaurela é peria da gní a daidé. Da bur tēmp vëgnera siada en mercui.

LUNGIARÜ

Incö domënia, ai 12 de ma, vëgnel ciamó n iade perie do le contribut por scialdé la dljia, che vëgn trat ite cun l'oferta tratan mëssa o do mëssa te calonia.

Le KVV Lungiarü y le consëi de formaziun San Martin inviëia a na sëra de formaziun cun Milio Terza sura: "Les ês, en armonia cun n ambiënt sann" en jöbia, ai 16 de ma, dales 20.00, tl salf de paisc a Lungiarü.

Invit a n domisdé cun stories, pastelné y jüc por mitans y mituns dla scora elementara en dedolönesc, ai 14 de ma, dales, 15.00, tla biblioteca a San Martin.

Düc é bel inviá ala presentaziun dl liber „Sterben - Des Lebens heller Schatten“ cun Astrid Kofler en mercui, ai 15 de ma, dales 20.00 tl Museum Ladin sön Tor.

Invit en mercui, ai 15 de ma, dales 20.00, a Badia tla Ciasa Runcher al referat tigní dal av. Paul Maieron dal titul : "Arpejun - testamënt - sozesciun ereditara". Le referat é por ladin. Organisé dal K.V.W. Badia - entrada debann.

La Ciasa de Palsa da San Martin Tor forma na gradatöra publica söla basa de n colloquium individual por un n post a tēmp plëgn y un n post a tēmp parzial (63,16%) da educadú/ëssa sozial/a (dla 7. ter cualifica funziunala). Termo da dé jö la domanda é les 12.00 di 22.05.2024. Informaziuns www.ciasadepalsa.it

La Portina por Assistënza y Cura mët a jí en vëndres, ai 17 de ma, dales 15.00 ales 16.30, n domisdé sön la manira plü saurida da fá le guern a ciasa cun la metoda de "Kinaesthetics" y cun l'aiüt de injins aposta. Cun l'infermiera Karin Tavella y cun l'operadëssa sozio- assistenziala Nicole Trebo. Düc é bel inviá.

Les lies di paur dla Val Badia lascia alsavëi che l'ofize dl Patronat è davert la pröma y la terza jöbia dl mëis dales 08.30 - 11.30 sura l'ofize dla cooperativa dl turism a San Martin a düc por consulënzes previdenziales y soziales.

L'Assoziaziun Ariadne tëgn a Balsan ai 28/05, 31/05 y 04/06 dales 14.00-17.00 n seminar por familiars de porsones da na maratia psichica. Informaziuns plü avisa: tel. 327 76 06 906 o email: info@ariadne.bz.it o sot a www.ariadne.bz.it



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

12.05. - 19.05.24 n. 24

ultimo termo por comunicaziuns: jöbia, dales 20.00


FESTA DL'ASSËNZA - B

Vangele do san Merch 16,15-20

Te chël tēmp ti é Gejù comparì ai önesc y ti à dit:
Jide fora te döt le monn, y incundedi le vagnele a dotes les creatöres!
Chël che crëi y se lascia batié vëgn salvè, mo chël che ne crëi nia vëgn condanè. Y tres chi, che é rovà a crëie, sozedaral chisc sëgns:
Te mi inom pararài fora demonns; ai baiarà lingac nüs, ai piarà ite bisches y sc' ai bër tosser mortal, ne ti fajaral degun dann, y i amarà, a chi ch' ai ti mët sö les mans, gnarà varis. Do che Gejù, le Signur, ti à albü dit chësc, él gnü tut sö tl cil y s' à sentè a man dërta de Dî. Èi deperpo é pià ia y pordicâ indlunch. Le Signur i sostignî y confermâ l'incundaziun tres sëgns ch' al lasciâ sozede.



Incö podess la racomanaziun de Gejù a nos cristians soné insciö:
"Jide dal üsc de dljia fora y viede sciöche mi testemoni tles families, danter amisc, söl post de laur y tl ambiënt olach'i sëis!"
La gran domanda ch'i oressun ion fá incö n'é nia "Olá é pordërt sparí Gejù? Y gnanca: "Nes á pa Gejù lascé susc te chësc monn plëgn de fistidi y problems?"
Nia chëstes n'é les domandes dla Festa dl'Assënza, mo, "Ái iö l'ardimënt da desmostré mia fede dan da chës porsones ch'i incunti y da dé testemonianza por Gejù Crist y süa Dljia che tëgn via süa recordanza da 2000 agn incá, ince sc'ara á datrai falé?"
Le vangele da incö n'ó nia nes fá la vita pesocia.
L'Assënza é na festa de ligrëza, deache la noela de Gejù Crist é na buna y na bela noela, plëna de speranza, de consolaziun y de ligrëza.
"Le Signur i sostignî y confermâ l'incundaziun tres sëgns ch' al lasciâ sozede."
Y chësc fejel tres indô, ince al dedaincö.

EDEMA - B	SAN MARTIN	LUNGIARÜ	DE DLA UMA
12.05.24 FESTA DL'ASSËNZA ASCENSIUN DL SIGNUR DE DLA UMA	8.30 Corona + Clara Vanzi Zingerle 9.00 Liturgia dla Parora de Dî 19.30 Corona de ma sô Ju	7.50 Corona 8.15 Gran Mëssa por la Comunité dl ann + Emilia Frenes /+ Albert Daverda ++ Franz y Zilia Pezzei Ghestan dl ann + Iaco Mischi y Regina Daporta ++ Giovanni y Sabina, Tondlisl	<p>La Bibia nes cunta dla cité nôia de Ierusalem. Chësta cité é implida dla gloria de Dî. Gran é le lominus de Dî amesa ëra. Chësta dedizium de Dî ilominëia dôt, tan che la cité n'adora plü degun sorëdl.</p> <p>Al me vëgn imënt le confrunt cun la maternité: La dedizium de na uma da ti scinché dôt so amur ai mituns ne tëgn la familia nia ma adöm, mo ara la implësc ince de lominus. L'amur é propi la forza de vigni comunité. Y ch'al regnëies l'amur de chël él les umes che ciara. <i>Bruno Graber</i></p>  <p>-----</p> <p>Le KVW La Ila mët a jí n peregrinaje a Marienberg te Obervinschgau le mertesc ai 21 de ma. La coriera de Claudio é a Badia dales 6.40 y spo fora por la Val Badia. I rovarun a Marienberg dales 11.00 olach'al sará na s. Mëssa cun siur degan y dedô na vijita dl museum. Dales 13.00 s'aspeta a Burgeis la marëna tl Restaurant zum Schloss. Söl iade derevers vijita dl "Monn dles orchidees" a Gargazon y rovarun a ciasa incër les 19.30. Le iade cun marëna costa por i scric ite 60 € y por i nia scric ite 70 €. Prenotaziuns cina ai 13/05 pro Hubert Pizzinini 339 16 98 343, ince sön WhatsApp.</p>
13.05.24 <i>S. Maria da Fatima, Servaz</i> Lönesc	19.30 Corona de ma a Picolin		
14.05.24 Dedolönesc <i>Bonifaz, Maria Dominica</i>	8.00 Mëssa + Pio Baldissera fredesc ++ de Frida Ploner, Ju defunc de Sorega	19.30 Corona tla capela da Seres	
15.05.24 <i>Sofia, Sonia, Isidor</i> Dedemesaledema	20.00 Corona de ma sô Frëina	7.30 Mëssa vis y def. de Giovanni da Miscí dl ann + Bino Clara, Brocia ++ Mattia y Monica Clara + Rita Zingerle Clara	
16.05.24 <i>Jan Nepomuk, Ubald</i> Jöbia	19.30 Corona de ma a Bioch		
17.05.24 <i>Dietmar, Emilian</i> Vëndres	18.30 Adoraziun chîta 19.00 Adoraziun deboriada	16.30 Funziun de ma por mituns y families 19.30 Corona de ma fora dala Grota	
18.05.24 Sabeda <i>Felix, Erich</i>	18.30 Mëssa prefestia ++ Siegfried y Maria Zingerle + Giovanni Tavella ++ Sepl y Paul Ferdigg + Cristina Gasser, Urtijëi		
19.05.24 PASCA DE MA	10.00 Mëssa solëna por la Comunité + siur Angel Morlang (siur Klaus) + siur Franz Sottara 19.30 Corona de ma sô Ju	7.50 Adoraziun 1 ^a pert 8.15 Liturgia dla Parora de Dî dedô Adoraziun 2 ^a pert	
La Musiga y i Stödafüch da San Martin präia indô dër bel do osc sostëgn de süa ativité. Pro la detlaraziun dla cuta podëise nes destiné le 5 pormile y nes daidé insciö da curí na pert dles spëises ch'i un ia por l'ann. Por os ne comporta chësta destinaziun degun cost implü; al é ma da dé dant nosc codesc fiscal y da sotescrí: Musiga da S. Martin de Tor - codesc fiscal 81009430216 o Stödafüch da S. Martin de Tor - codesc fiscal 92009210219			